

大智度論

第五十九

二百十三
形九

488/95



元祿九年丙子二月日重修

皇圖翠圖 帝潛綴昌

佛日增輝 懋輪崇轉

山城州天安寺法金剛院置



大智度論卷第五十九

龍樹菩薩造 姚秦三藏法師鳩摩羅什譯

釋舍利品第三十七

佛告釋提桓因言憍尸迦若滿閻浮提佛舍利作一分復有人書般若波羅蜜經卷作一分二分中汝取何所釋提桓因白佛言世尊若滿閻浮提佛舍利作一分般若波羅蜜經卷作一分二分之中我寧取般若波羅蜜經卷何以故世尊我於佛舍利非不恭敬非不尊重以舍利從般若波羅蜜中生般若波羅蜜薰修故是舍利得供養恭敬尊重讚嘆爾時舍利弗問釋提桓因憍尸迦是般若波羅



蜜不可取無色無形無對一相所謂無相汝云何欲取何以故是般若波羅蜜不為取故出不為捨故出不為增減聚散損益垢淨故出是般若波羅蜜不與諸佛法不捨凡人法不與辟支佛法阿羅漢法學法不捨凡人法不與魚為性不捨有為性不與內空乃至魚形法有法空不與四念處乃至一切種智不捨凡人法釋提桓因語舍利弗如是如是舍利弗若有人知是般若波羅蜜不與諸佛法不捨凡人法乃至不與一切種智不捨凡人法是菩薩摩訶薩能行般若波羅蜜能修般若波羅蜜何以故般若波羅蜜不行二法故不

大智度論卷五十九

二法相是般若波羅蜜不二法相是禪波羅蜜乃至檀波羅蜜爾時佛讚釋提桓因言善哉善哉憍尸迦如汝所說般若波羅蜜不行二法故不二法相是般若波羅蜜不二法相是禪波羅蜜乃至檀波羅蜜憍尸迦若人欲得法性二相者是人為欲得般若波羅蜜二相何以故憍尸迦法性般若波羅蜜無二無別乃至檀波羅蜜亦如是若人欲得實際不可思議性二相者是人為欲得般若波羅蜜二相何以故般若波羅蜜不可思議性無二無別釋提桓因白佛言世尊一切世間人及諸天人阿修羅應禮拜供養般若波羅蜜何

以故諸菩薩摩訶薩般若波羅蜜中學得阿
耨多羅三藐三菩提世尊我常在善法堂上
坐我若不在坐時諸天子來供養我故為我
坐處作禮遠竟還去諸天子作是念釋提桓
因在是處坐為諸三十三天說法故如是世
尊在所處書是般若波羅蜜經卷受持誦讀
為他演說形大智度論卷五十九是處十方世界中諸天龍夜叉捷
闍婆阿修羅迦樓羅賢那羅摩睺羅伽皆來
禮拜般若波羅蜜供養已去何以故是般若
波羅蜜中生諸佛及一切衆生樂具故諸佛
舍利亦是一切種智住處因緣以是故世尊
二分中我取般若波羅蜜後次世尊我若受

持讀誦般若波羅蜜深心入法中我是時不
見怖畏相何以故世尊是般若波羅蜜無相
無貌無言無說世尊無相無貌無言無說是
般若波羅蜜乃至是一切種智世尊般若波
羅蜜若當有相非無相者諸佛不應知一切
法無相無貌無言無說得阿耨多羅三藐三
菩提為弟子說諸法無相無貌無言無說世
尊用般若波羅蜜實是無相無貌無言無說
故諸佛知一切諸法無相無貌無言無說得
阿耨多羅三藐三菩提為弟子說諸法亦無
相無貌無言無說以是故世尊是般若波羅
蜜一切世間諸天人阿修羅應供養恭敬尊

重讚歎花香瓔珞乃至幡蓋復次世尊若有
人受持般若波羅蜜親近讀誦說正憶念及
書供養花香乃至幡蓋是人_{不墮}地獄畜生
餓鬼道中不墮聲聞辟支佛地乃至得阿耨
多羅三藐三菩提常見諸佛從一佛界至一
佛界供養諸佛恭敬尊重讚嘆華香乃至幡
蓋復次世尊滿三千大千世界佛舍利作一
分書般若波羅蜜經卷作一分是二分中我
取般若波羅蜜何以故世尊是般若波羅蜜
中生諸佛舍利以是故舍利得供養恭敬尊
重讚歎是善男子善女人供養恭敬舍利故
受天上人中福樂常不墮三惡道如所願漸

形

大智度論卷五十九

三

以三乘法入涅槃是故世尊若有見現在佛
若見般若波羅蜜經卷等魚異何以故世尊
是般若波羅蜜與佛無二無別故

問曰上以起七寶塔對校供養般若波羅蜜
義以具足今佛何以以舍利經卷對校答曰
先明七寶塔是舍利住處今但明舍利以對
經卷舍利雖不及般若而滿闍浮提般若妙
故但明經卷復次出家人多貧智慧智慧是
解脫因緣故在家人多貧福德福德是樂因
緣故出家人多貧意識所知物在家人多貧
五識所知物釋提桓因已證福樂果報最大
於在家人中最為尊勝以是故佛問釋提桓

因釋提桓因言我於二分中取般若波羅蜜
經卷此中自說因緣世尊我不敢輕慢不恭
敬舍利我知供養天子許舍利功德無量無
邊乃至得佛功德不盡何況滿閻浮提世尊
菩薩受身便有舍利人所不貴得成佛時舍
利以般若熏修故人所恭敬尊重供養是故
二分中我取勝者問曰舍利弗知釋提桓因
形大智度論卷五十九
以世諦故言取般若波羅蜜何以故難答曰
釋提桓因在家中為煩惱所縛五欲所覆而
能說般若波羅蜜是事希有以是故舍利弗
質問欲令釋提桓因更問佛深義故難釋提
桓因順舍利弗意答言如是釋提桓因意於

一切法中無二相不以舍利為小不以般若

波羅蜜為大般若波羅蜜無二無分別相為

利益新發意菩薩故致以世諦如是利益故

說般若波羅蜜
此五字一三元

我取能令衆生心無二無分別以是利益故

我取般若其時佛讚釋提桓因善哉善哉以

能分別諸法亦能善說般若相故所謂無二

相是故讚嘆佛此中自說譬喻若人欲分別

法性實際等作二分是人為欲分別般若波

羅蜜作二分帝釋自說般若又聞佛重說其

心清淨深信歡喜言一切世間所應禮敬帝

釋此中自說因緣一切菩薩學是般若若得阿

耨多羅三藐三菩提又此中以已身為喻也

身喻佛般若經卷喻坐處有人言已身喻般
若坐處喻舍利是故二分中我取般若復次
世尊我若受持般若讀誦是時乃至不見怖
畏相何況實怖畏所以者何一切諸法無相
無言無說故般若波羅蜜能令人得是無相
法故無所畏受持供養般若者不墮三惡趣
及二乘道世世不離諸佛常供養十方諸佛
是故般若波羅蜜一切世間所應供養復次
佛開其初以舍利滿闍浮提帝釋既悟二事
勝負為一切衆生故廣增至三千大千世界
此中自說因緣見般若波羅蜜與見佛無異
復次世尊如佛住三事示現說十二部經終

形 大智度論卷五十九

五

多羅祇夜乃至優波提舍復有善男子善女
人受持誦說是般若波羅蜜等無異何以故
世尊是般若波羅蜜中生三事示現及十二
部經修多羅乃至優波提舍故復次世尊十
方諸佛住三事示現說十二部經修多羅乃
至優波提舍復有人受般若波羅蜜為他人
說等無異何以故般若波羅蜜中生諸佛亦
生十二部經修多羅乃至優波提舍復次世
尊若有供養十方如恒河沙等世界中諸佛
恭敬尊重讚嘆華香乃至幡蓋復有人書般
若波羅蜜經卷恭敬尊重讚嘆華香乃至幡
蓋其福正等何以故十方諸佛皆從般若波

羅蜜中生復次世尊善男子善女人間是般
若波羅蜜受持讀誦正憶念亦為他人說是
人不墮地獄道畜生餓鬼道亦不墮聲聞辟
支佛地何以故當知是善男子善女人正住
阿鞞跋致地中故是般若波羅蜜遠離一切
苦惱衰病復次世尊若有善男子善女人書
是般形若波羅蜜經卷受持親近供養恭敬尊
重讚歎是人雖諸恐怖世尊譬如負債人親
近國王供給左右債主反更供養恭敬是人
是人不得怖畏何以故世尊此人依近於王
憑恃有力故如是世尊諸佛舍利般若波羅
蜜熏修故得供養恭敬世尊當知般若波羅

大智度論卷五十九

蜜如王舍利如負債人負債人後王故得供
養舍利亦依般若波羅蜜修熏故得供養世
尊當知諸佛一切種智亦以般若波羅蜜修
熏故得成就以是故世尊二分之一中我取般
若波羅蜜何以故世尊般若波羅蜜中生諸
佛舍利三十二相般若波羅蜜中亦生佛十
力四無畏所四無礙智十八不共法大慈大
悲世尊般若波羅蜜中生五波羅蜜使得波
羅蜜名字般若波羅蜜中生諸佛一切種智
復次世尊所在三千大千世界中若有受持
供養恭敬尊重讚嘆般若波羅蜜是處若人
若非人不能得其便是人漸漸得入涅槃世

尊般若波羅蜜為大利益如是於三千大千
世界中能作佛事世尊在所住處有般若波
羅蜜則為有佛世尊譬如無價摩尼寶在所
住處非人不得其便若男子若女人有熱病
以是珠著身上熱病即時除差若有風病若
有冷病若有雜熱風冷病以珠著身上皆悉
除愈形大智度論卷五十九若閣中是寶能令明熱時能令涼寒時
能令溫珠所住處其地不寒不熱時節和適
其處亦無諸餘毒螫若男子女人為毒蛇所
螫以珠示之毒即除滅復次世尊若男子女
人眼痛膚瞶盲瞽以珠示之即時除愈若有
癩瘡惡腫以珠著其身上病即除愈復次世

尊是摩尼寶所在水中水隨作一色若以青
物裹著水中水色則為青若黃赤白紅縹物
裹著水中水隨作黃赤白紅縹色如是等種
種種色物裹著水中水隨作種種色世尊若水
濁以珠著水中水即為清是珠其德如是尔
時阿難問釋提桓因言憍尸迦是摩尼寶為
是天上寶為是閻浮提寶釋提桓因語阿難
是天上寶閻浮提人亦有是寶但功德相少
不具足天上寶清淨輕妙不可以譬喻為比
復次世尊是摩尼寶若著篋中舉珠出其功
德著篋故人皆愛敬如是世尊在所住處有
書般若波羅蜜經卷是處則無衆惱之患亦

如摩尼寶所著處則無衆難世尊佛般泥洹
後舍利得供養皆般若波羅蜜力禪波羅蜜
乃至檀波羅蜜內空乃至無法有法空四念
處乃至十八不共法一切智法相法住法位
法性實際不可思議性一切種智是諸功德
力善男子善女人作是念是佛舍利一切智
一切種智形大慈大悲斷一切結使及習常捨
行不錯謬法等諸佛功德住處以是故舍利
得供養世尊舍利是諸功德寶波羅蜜住處
不垢不淨波羅蜜住處不生不滅波羅蜜不
入不出波羅蜜不增不損波羅蜜不來不去
不住波羅蜜是佛舍利是諸法相波羅蜜住

處以是諸法相波羅蜜薰修故舍利得供養
復次世尊置三千大千世界海中舍利如恒
河沙等諸世界滿其中舍利作一分有人書
般若波羅蜜經卷作一分二分之一中我取般
若波羅蜜何以故是般若波羅蜜中生諸佛
舍利是般若波羅蜜修薰故舍利得供養世
尊若有善男子善女人供養舍利恭敬尊重
讚嘆其功德報不可得邊受人中天上福樂
所謂刹利大姓中婆羅門大姓居士大家四
天王天處乃至他化自在天中受福樂亦以
是福德因緣故當得盡苦若受是般若波羅
蜜讀誦說正憶念是人能具足禪波羅蜜乃

至能具足檀波羅蜜能具足四念處乃至能
具足十八不共法過聲聞辟支佛地住菩薩
位住菩薩位已得菩薩神通從一佛界至一
佛界是菩薩為衆生故受身隨其所應成就
衆生若作轉輪聖王若作刹刹大姓若作婆
羅門大姓成就衆生以是故世尊我不為輕
形 大智度論卷五十九
慢不恭敬故不取舍利以善男子善女人供
養般若波羅蜜則為供養舍利故復次世尊
有人欲見十方無量阿僧祇諸世界中現在
佛法身色身是人應聞受持般若波羅蜜讀
誦正憶念為他人廣說如是善男子善女人
當見十方無量阿僧祇世界中諸佛法身色

身是善男子善女人行般若波羅蜜亦應以
法相修念佛三昧復次善男子善女人欲見
現在諸佛應當受是般若波羅蜜乃至正憶
念復次佛住三事示現說十二部經者問曰
一切法人中無與佛等者佛說十二部經則
無不備具云何善男子但受持讀誦般若與
佛等無異答曰此中佛欲稱嘆般若為大故
於十二部經中般若為最勝所以者何說是
般若波羅蜜多有發菩薩心說十二部經雜
發三乘意故不以菩薩功德比佛無量身此
說法身菩薩但說般若勸導大乘佛雜說勸
導三乘故等無異復次三事示現及十二部

經根本者所謂般若波羅蜜是供養十方如
恒河沙等諸佛若復有供養般若經卷亦等
無異此中佛說般若所以福德勝因緣所謂
般若能破一切苦惱衰病怖畏等如負債人
依王王喻般若負債人喻舍利舍利是先世
業因緣所成因緣中應償諸對以般若波羅
蜜形大智度論卷五十九薰修故宿命因緣諸對及飢渴寒熱十所不
能得而得諸天世人所見供養如負債人依
王反為債主所敬先說無諸衰病及怖畏以
明內今說摩尼寶人非人不得其便以明外
是人供養般若波羅蜜故若今世若後世若
身衰心病盡皆能除諸善願事隨意能與得

是般若波羅蜜大寶故無諸怖畏。魚所乞經
譬如魚價寶珠所願皆得。問曰摩尼寶於玻
璨金銀車磔碼瑠璃珊瑚琥珀金剛等中
是何等寶。答曰有人言此寶珠從龍王腦中
出人得此珠毒不能害入火不能燒。有如是
等功德。有人言是帝釋所執金剛用與阿修
羅鬪時碎落閻浮提。有人言諸過去久遠佛
舍利法既滅盡舍利變成此珠以益衆生。有
人言衆生福德因緣故自然有此珠。譬如罪
因緣故地獄中自然有治罪之器。此寶名如
意。無有定色清徹輕妙。四天下物皆悉照現。
如意珠義如先說是寶常能出一切寶物。夜

服飲食隨意所欲盡能與之亦能除諸衰憊
病苦等是寶珠有二種有天上如意寶有人
間如意寶諸天福德厚故珠德具足人福德
薄故珠德不具足是珠所著房舍函篋之中
其處亦有威德般若波羅蜜亦如是者如如
意寶珠能與在家人今世富樂隨意所欲般
若形波羅蜜能與出家求道人三乘解脫樂隨
大智度論卷五十九
意所願如意寶珠在所著處非人不得其便
般若波羅蜜亦如是行者心與相應惡邪羅
刹不能入其心中沮壞道意奪智慧命復次
般若所在處魔若魔民地神夜叉諸惡鬼等
不能得便如意珠能除四百病根本四病風

熱冷雜般若波羅蜜亦能除八萬四千病根
本四病貪瞋癡等分姪欲病分二萬一千瞋
恚病分二萬一千愚癡病分二萬一千等分
病分二萬一千以不淨觀除貪欲以慈悲心
除瞋恚以觀因緣除愚癡摠上三藥或不淨
或慈悲或觀因緣除等分病如寶珠能除黑
暗般若亦如是能除三界黑闇如寶珠能除
熱般若亦如是能除姪欲瞋恚熱如寶珠能
除冷般若亦如是能除無明不信不恭敬懈
怠等冷心日月皆諸寶所成日能作熱月能
作冷雖俱利益衆生以不能兼故不名爲如
意寶珠所在處毒蛇等諸惡虫所不能害般

若亦如是貪欲等毒所不能病若有人毒蛇
所螫持寶珠示之即時除愈有人為貪欲等
毒蛇所螫得般若波羅蜜貪恚毒即除如難
陀鴛群梨摩羅等有人眼痛盲瞽以寶珠示
之即時除愈般若波羅蜜亦如是有人以魚
明疑悔顛倒邪見等破慧眼得般若即時明
了如人癩瘡癰腫以寶珠示之即時除愈般
若亦如是五逆癩罪等得般若即時消滅如
以種種色裹寶珠著水中隨作一色般若亦
如是行者得般若力故心則柔軟無所著隨
信手五根等亦隨順四禪四無量心背捨勝
處及一切入後次於須陀洹斯陀含阿那含

形

大智度論卷五十九

十二

阿羅漢辟支佛地隨順遍學無所違逆第六
縹色者是虛空色行者得般若若觀諸法空心
亦隨順不著如是等種種者入一切諸法皆
隨順無礙如水渾濁雜色不淨以珠著中皆
清淨一色般若亦如是人有種種煩惱邪見
戲論擾心渾濁得般若則清淨一色如如意
珠有無量功德般若功德亦如是今當別相
說般若功德是如意珠但能除惡鬼不能壞
魔天般若則能除二事珠能治身病般若能
治身心病珠能治人被所治病般若能治一
切天龍鬼神所不能治病珠能治世世曾所
治病般若能治無始世界來未曾所治病如

是等種種差別珠能照所住處夜闇般若能
照一切煩惱相應無明黑闇及不共無明及
一切法中不了疑黑闇珠但能破所住處熱
不能破餘處熱般若力乃至無量世界劫盡
大火一吹能滅何況一處熱珠但能除形質
火日之熱般若能除三毒心熱珠能除風雨
形寒雪般若能除十方無量世界衆生不信不
大智度論卷五十九
恭敬懈怠心等寒珠能却外毒螫不能除四
大毒蛇般若能畢竟除此二種毒珠不能治
邪見毒般若能除珠能治肉眼般若能治慧
眼珠能治近見眼般若能治遠見眼珠能治
肉眼肉眼不作珠般若能治慧眼慧眼即作

般若珠能治肉眼後病復發般若治慧眼畢
竟清淨珠能治癩瘡惡腫般若能治身癩心
癩問曰四種病中攝一切病何以別說眼痛
癩病等答曰眼是身中第一所用最貴是故
別說諸病中癩病最重宿命罪因緣故難治
是故更說珠能令水隨所裹色般若能隨順
心數善法珠不能轉人心般若能轉一切衆
生心性所樂所欲珠能令所著處濁水清非
一切水般若力能令六覺濁心即時清淨又
於諸龍王鬼神王人王等貪恚濁心能令清
淨珠能使所著函篋房舍有威德般若力能
度十方無量世界阿僧祇衆生令有威德珠

功德入函篋不能與人隨意功德舍利得般
若薰修故有人供養必還得般若而得成佛
是函篋凡夫之人所貴舍利凡夫聖人所貴
函篋世間受樂人所貴舍利出世間世間受
樂人所貴般若^形是如意寶珠函篋是舍利舍
利中雖無般若般若所薰故得供養復次諸
大智度論卷五十九
聖法中般若第一無可譬喻以世間人貴是
寶珠故以珠為喻人見如意寶珠所願皆得
若見珠所住處亦得少願行者亦如是得是
般若波羅蜜義即入佛道若見般若所住舍
利供養故得今世後世無量福樂久必得道
如是摠相別相應當知問曰般若若有如是

功德者何以故說舍利是五波羅蜜乃至一切種智所住處故得供養答曰先已說一切諸法般若波羅蜜為首為明導譬如王來必有將從但舉其主名自譬喻已後盡讚般若波羅蜜是義先已說復次世尊有二種法相有為諸法相無為諸法相云何有為諸法相所謂內空中智慧乃至無法有法空中智慧四念處中智慧乃至八聖道分中智慧佛十力四無所畏四無礙智十八不共法中智慧善法中不善法中有漏法中無漏法中世間法中出世間法中智慧是名有為諸法法相云何名無為諸法法相若法無生無滅無住

無異魚垢無淨魚增魚減諸法自性云何名
諸法自性諸法無所有性是諸法自性是名
魚為諸法相尔時佛告釋提桓因如是如是
憍尸迦過去諸佛因是般若波羅蜜得阿耨
多羅三藐三菩提過去諸佛弟子亦因般若
波羅蜜得須陀洹道乃至阿羅漢辟支佛道
未來現在世十方無量阿僧祇諸佛因是般
若波羅蜜得阿耨多羅三藐三菩提未來現
在諸佛弟子亦因般若波羅蜜得須陀洹道
乃至辟支佛道何以故般若波羅蜜中廣說
三乘義以無相法故無生無滅法故無垢無
淨法故無作無起不入不出不增不損不取

形

大智度論卷五十九

十五

不捨法故以俗法故非以第一義何以故是
般若波羅蜜非此非彼非高非下非等非不
等非相非無相非世間非出世間非有漏非
無漏非有為非無為非善非不善非過去非
未來非現在何以故憍尸迦般若波羅蜜不
取聲聞辟支佛法亦不捨凡夫法釋提桓因
白佛言世尊菩薩摩訶薩行般若波羅蜜知
一切衆生心亦不得衆生乃至知者見者亦
不得是菩薩不得色不得受想行識不得眼
乃至意不得色乃至法不得眼觸因緣生受
乃至意觸因緣生受不得四念處乃至十八
不共法不得阿耨多羅三藐三菩提不得諸

佛法不得佛何以故般若波羅蜜不為得法
故出何以故般若波羅蜜性無所有不可得
所用法不可得處亦不可得佛告釋提桓因
如是如是憍尸迦如汝所說菩薩摩訶薩長
夜行般若波羅蜜阿耨多羅三藐三菩提不
可得何況菩薩及菩薩法形今時釋提桓因白
大智度論卷五十九
佛言世尊菩薩摩訶薩但行般若波羅蜜不
行餘波羅蜜耶佛告釋提桓因言憍尸迦菩
薩盡行六波羅蜜法以無所得故行檀波羅
蜜不得施者不得受者不得財物行尸羅波
羅蜜不得戒不得持戒人不得破戒人乃至
行般若波羅蜜不得智慧不得智慧人不得

無智慧人憍尸迦菩薩摩訶薩行布施時般
若波羅蜜為作明導能具足擅波羅蜜菩薩
摩訶薩行持戒時般若波羅蜜為作明導能
具足尸羅波羅蜜菩薩摩訶薩行忍辱時般
若波羅蜜為作明導能具足羸提波羅蜜菩
薩摩訶薩行精進時般若波羅蜜為作明導
能具足毗梨耶波羅蜜菩薩摩訶薩行禪時
般若波羅蜜為作明導能具足禪波羅蜜菩
薩摩訶薩觀諸法時般若波羅蜜為作明導
能具足般若波羅蜜一切法以無所得故所
謂色乃至一切種智憍尸迦譬如閻浮提諸
樹種種葉種種華種種果種種色其蔭無差

別諸波羅蜜入般若波羅蜜中至。薩婆若無
差別亦如是以無所得故。釋提桓因白佛言
世尊般若波羅蜜大功德成就世尊般若波
羅蜜一切功德成就世尊般若波羅蜜無量
功德成就無邊大功德成就無等功德成就
世尊若有善男子善女人書是般若波羅蜜
經卷恭敬供養尊重讚嘆華香乃至幡蓋如
般若波羅蜜所說正憶念復有善男子善女
人書般若波羅蜜經卷與他人其福何所為
多佛告釋提桓因。憍尸迦。我還問汝。隨汝意
報我。若有善男子善女人供養諸佛舍利。恭
敬尊重讚嘆華香乃至幡蓋。若復有人分舍

形

大智度論卷五十九

十七

利如芥子許與他人令供養恭敬尊室讚嘆
華香乃至幡蓋其福何所為多釋提桓因白
佛言世尊如我從佛聞法中義有善男子善
女人自供養舍利乃至幡蓋若復有人分舍
利如芥子許與他人令供養其福甚多世尊
佛見是福利衆生故入金剛三昧中碎金剛
身作末舍利何以故有人佛滅度後供養佛
舍利乃至如芥子許其福報無邊乃至若盡
佛告釋提桓因如是如是憍尸迦若善男子
善女人書般若波羅蜜經卷供養恭敬華香
乃至幡蓋若復有人書般若波羅蜜經卷與
他人令學是善男子善女人其福甚多復次

憍尸迦善男子善女人如般若波羅蜜中義
為他人說開示分別令易解是善男子善女
人勝於前善男子善女人功德所從聞般若
波羅蜜當視其人如佛亦如高勝梵行人何
以故當知般若波羅蜜即是佛般若波羅蜜
不異佛佛不異般若波羅蜜過去未來現在
諸佛皆從般若波羅蜜中學得阿耨多羅三
藐三菩提及高勝梵行人高勝梵行人者所
謂阿鞞跋致菩薩摩訶薩亦學般若波羅蜜
當得阿耨多羅三藐三菩提聲聞人學是般
若波羅蜜得阿羅漢道求辟支佛道人學是
般若波羅蜜得辟支佛道亦學是般若波

形 大智度論卷五十九

六

羅蜜得入菩薩位以是故憍尸迦善男子善
女人欲供養現在佛恭敬尊重讚嘆華香乃
至幡蓋當供養般若波羅蜜我見是利益初
得阿耨多羅三藐三菩提時作如是念誰有
可供養恭敬尊重讚嘆依止住者憍尸迦我
一切世間中若天若魔若梵若沙門婆羅門
中不見與我等何況有勝者自思念我所得
法自致作佛我供養是法恭敬尊重讚嘆當
依止住何等是法所謂般若波羅蜜憍尸迦
我自供養是般若波羅蜜恭敬尊重讚嘆已
依止住何況善男子善女人欲得阿耨多羅
三藐三菩提而不供養般若波羅蜜恭敬尊

重讚嘆花香瓔珞乃至幡蓋何以故般若波
羅蜜中生諸菩薩摩訶薩菩薩摩訶薩中生
諸佛以是故憍尸迦善男子善女人若求佛
道若求辟支佛道若求聲聞道皆應供養般
若波羅蜜恭敬尊重讚嘆華香乃至幡蓋

問曰何因緣故說是有為法無為法形相答曰

帝釋讚嘆般若波羅蜜攝一切法十九此中欲說

因緣有為法相所謂十八空三十七品乃至

十八不共法略說善不善等乃至世間出世

間是名有為法相何以故是作相先無今有

已有還無故與上相違即是無為法相是二

法相皆般若波羅蜜中攝有為善法是行處無

為法。是依止處。餘無記不善法。以捨離。故不
說。此是初發心菩薩。意所學。若得般若波羅
蜜。方便力。應無生忍。則不愛行法。不增捨法。
不離有為法。而有無為法。是故不依止涅槃。
是以經中說。般若波羅蜜中。廣說三乘用無
相法。故無生無滅等。以世諦。故作是說。非第
一義諦。菩薩行。是諸法實相。雖能觀一切衆
生心。亦不得衆生。雖能行一切法。亦不得一
切法。何以故。以得無所得。般若波羅蜜。故佛
可具所嘆。菩薩常習。是行。乃至阿耨多羅三
藐三菩提。不可得。何況餘法。帝釋意念。若般
若是究竟法者。行人。但行般若波羅蜜。何用

餘法佛答菩薩行六波羅蜜以般若波羅蜜
用無所得法和合故此即是行般若波羅蜜
若但行般若不行五法則功德不具足不美
不妙譬如愚人不知飲食種具聞醬是眾味
主便純飲醬失味致患行者亦如是欲除暑
心故但行般若反隨邪見不能增進善法若
形 大智度論卷五十九與五波羅蜜和合則功德具足義味調適雖
眾行和合般若為主若布施等諸法離般若
波羅蜜則有種種差別至般若波羅蜜中皆
一相無有差別譬如閻浮提阿那婆達多池
四大河流一大河有五百小川歸之俱入大
海則失其本名為一味無有別異又如樹木

枝葉花果衆色別異。陰則魚別。問曰：陰亦有差別。樹大則陰大。枝葉花果大小種種異形。云何無差別？答曰：蔽光故影現。無光之處即名爲陰。陰不以大小異形爲義。問曰：行般若波羅蜜受誦乃至正憶念。此事爲難。書持般若經卷與他人爲易。功德尚不應等。云何言勝？答曰：獨行誦讀正憶念。雖難或以我心故。功德小。以經卷與他者。有大悲心作佛道因緣。無吾我故。功德爲大。如佛問帝釋。吾人自供養。舍利。復有人以舍利與他。令供養。其福何所爲多？答曰：與他人令供養。得福多。以無吾我慈心與故。佛雖不用福德。見有如是。

利益衆生故是以入金剛三昧自碎其身問
曰若福德在佛心佛何用碎身如芥子令人
供養答曰信深心從二因緣生一者內正憶
念二者外有良福田譬如有好穀子田又良
義所收必多是故心雖好必因舍利然後得

大果報佛既可其言復更自說有人書寫經

形大智度論卷五十九

十一

卷與人復有人於大衆中廣解其義其福勝
前視是人如佛若次佛如佛若次佛義如先
說佛以二種因緣證般若若波羅蜜為勝一者
三世聖人從中學成聖道二者我以此法故
得成無上聖我今還師仰此法法者諸法實
相所謂般若波羅蜜憍尸迦我無所依處

猶推尊般若供養何況善男子不以種種供
具供養般若波羅蜜此中說因緣般若若是菩
薩根本因緣菩薩是諸佛根本因緣諸佛是
一切世間大利益安樂因緣是故聲聞辟支
佛人欲疾安隱入三解脱門行者猶尚供養
般若波羅蜜何況菩薩供養具者所謂以一
心聽受乃至正憶念及以華香乃至幡蓋


大智度論卷第五十九

形

不_下正_下膚_上瘡_上一_上計_夫反_下盲_下瞽_古續_足反_小篋_反
若_叶沮_上壞_上呂_反奪_下奪_下徒_活反_正

形

大智度論卷五十九



山城國綴喜郡新村
靈瑞山剛恩菴沙門宗桂書寫之

二

